

रोमियों

1 पौलुस केर ओर ते जउन यीसु मसीह केर सेवक है उहिका चेला बनावइ केर बुलावा गवा है, अउर परमेसुर केर उइ सुभ संदेसु बतावै केर खातिर वहिका अलग कीन गवा हइ।²जेहिका वह पहिलेहेन ते अपन नबियन ते पवित्तर धरम केर किताब मा³अपन बेटवा हमार परभु यीसु मसीह केर बारे मां ई कसम किहिस रहै। जउन देहि केर दिरिस्टी ते दाऊद केर कुल ते जनमा।⁴अउर पवित्तरता कि विचार ते आतमा केर भाव ते उहै मुये हुअन मा ते फिर ते जी उठइ केर खातिर सामरथ केर साथइ परमेसुर क बेटवा ठहिरा हइ।⁵जेहिते हम सबइ का दया अउर अनुग्रह परेरिताई मिली, कि उइ केर नाम केर कारन सबै जातिन केर मनई बिसवासु करि कइ अउर वहकी बातन को मानें।⁶जिनमें ते तुमहूँ यीसु मसीह केर होय केर खातिर बुलाय गये हउ।

⁷उइ सबै केर नाम जउन रोम मा परमेसुर केर पियारे हैं अउर पवित्तर होवन केर खातिर बुलाइ गये हइं। हमार बाप परमेसुर अउर परभु यीसु मसीह केर ओर ते तुमका अनुग्रहउ अउर सान्ती मिलत रहइ।

पौलुस केर रोम जातरा

⁸पहिल हम तुम सबन केर खातिर यीसु मसीह केर मारफत अपन परमेसुर का धन्यवाद करित हइ कि तोहरे बिसवासु की चरचा ते सारे जगत मा होइ रहा हइ।⁹परमेसुर जेहिकी सेवा मा अपन आतमा ते वहिके बेटवा केर सुभ संदेस केर बारे में बातें करित है, उइ हमार गवाहु है, कि हमइ तुहिका केहि परकार बराबर यादु करत रहत हउं।¹⁰अउर हमेसा अपन पराथना मां विनती करित हन। कउनउ रीति ते अब तोहरे पासै आवै क हमार जातरा परमेसुर केर इच्छा ते सुफल होय।

¹¹काहे ते हम तुम्ह ते मिलइ की लालसा करित हउ कि हम तुम्हन का कउनउ आत्मिक वरदान देउ जेहि ते तुइ स्थिर होइ जाव।¹²अरथात यह कि यह

तोहरे बीच म तोहरे साथै उस बिसवासु केर जरिए जउन मोहिमा अउर तुम मा हइ, सानती पाई।¹³हे भइयउ हम नाहीं चाहत हैं कि तुम एहिते अनजानु रहौ, कि हम बेर—बेर तोहार पासै आवइ चाहीं, कि जस मोहिका दुसरे जातन मानइ वालेन केर फलु मिलत, वसइ तुममौ केर मिलइ मुला अब तलक रुका रहा।

¹⁴हम यूनानियन अउर दूसरि भासाएं वालेन का अउर बुद्धिमानन अउर निर बुद्धिमानन केर करजदार हउं।¹⁵यहिते हम तुमहु क जउन रोम मा रहति हउ सुभ संदेस सुनावै क खातिर भरसकु तैयार हन।

¹⁶काहे कि सुभ संदेस ते नाही लजाइत, यहितें कि उइ हर एकु केर बिसवासु करै वालेन केर पहिल तौ यहूदिन, फिर युनानिन केर उद्धार केर खातिर परमेसुर मा सामरथ है।¹⁷काहे ते उइमा परमेसुर की धरमिकता बिसवासु ते अउर बिसवासु केर खातिर परगट होत है। जस लिखउ हइ केर बिसवासुन ते धरम केर मनई जियत रहि हइं।

परमेसुर केर मनइन क गुस्सा

¹⁸परमेसुर केर किरोध तौ उन लोगन की सब अभगतई अउर अधरमन पर सरग ते परगट होत हइ। जउन सत केर अधम ते दबाइ राखत हइ।¹⁹ई कारन कि परमेसुर का बारे मां ज्ञान उन क मनन मां परगट है। काहे ते कि परमेसुर उन पै परगट कीन्ह हइं।²⁰काहे ते उइ केर अनदेखइ गुन धरती की सिरस्टी केर समय ते उइ केर कामन ते देखन मां आवति हइं। हियाँ तक कि उइ केर पासै कउनउ जवाब नाई हइ उइ निरुत्तर है।

²¹ई कारन क परमेसुर केर जानतिउ पे उइ परमेसुर क बराबर उन लोगन की जोग बड़ाई अउर धन्यवाद नाई कीन मगर बेकारै विचारू करइ लाग। इहां तक कि उइ का निरबुद्धीमनु अन्धेरु होइगा।²²उइ अपन आप केर बुद्धिमान जताइ केर मूरख बनि गये।

²³अउर अविनासी परमेसुर कि महिमा का नासमान मनई अउर पच्छिन अउर चौपायन अउर रेंगन वालेइ जन्तुन केर मूरत केर समानइ बदलि डारिन।

²⁴ई कारन परमेसुर उइका उइ केर मन कि अभिलासन असुद्धता कि खातिर छाड़ि दीन हों, कि उइ आपसइ मा अपन सरीरन क अनादर करै। ²⁵इहि कारन उइ सब केर परमेसुर की सचाई बातन क बदलि कै झूठ बनाइ डारिन। अउर उइ सिरस्टी कि पूजा अउर सेवा कीन न कि उइ सिरजनहार की जउन सदा धन्य हई। आमीन।

²⁶एहिते परमेसुर उइ का नीच कामन केर बस मां छाड़ि दिहिस। हियां तक कि उइ कि मेहरारूनों, अपन सुझाव केर व्योहार क जउन उइ केर सुझाव ते उल्टइ हइ, बदल डारिन। ²⁷वइसइ मनइव मेहरारून केर साथ अपन बेवहारु छाड़ि कइ आपस म काम केर बस होइ कइ जलय लग। अउर मनई मनइन केर साथ निरलज काम करि केर अपन भरम क ठीकइ फलु पाइन।

²⁸अउर जब उइ परमेसुर केर पहचानइन चाहिन। यहिते परमेसुरो उनहुन क उइके निकम्मइ मन पै छोरि दिहिन। कि उइ अनुचितै काम करै। ²⁹एहि ते उइ सबइ परकार केर अधरम अउर दुस्तताई अउर लोभु अउर बैरू भाउ ते भरि गये। उइ डाह सगरन अउर छल इरसा ते भरपुर होइगे। ³⁰अउर चुगल खोरन बदनाम करइ वालेन परमेसुर क देखन मा धिरिनित अउरन केर अनादर करइ वाले, अभिमानी, डींग मारइ वाले, अउर बुरी-बुरी बातन केर बनावइ वाले बाप की महतारी की आग्या न मानइ वाले। ³¹निरबुद्धि बिसवासु घाती मयाते रहित अउर निरदई होइगे। ³²उइ तो परमेसुर कि ई विधि जानति हइ कि अस काम करै वाले मनई क दन्द केर जोग हई। तबहू न उइ अइसइ काम करति है बल्कि जउन खुदउ काम करत हइ, अउर करइ वालेन पे परसन्न ऊ होति हई।

परमेसुर केर नियायु

2 एहिते ऐ दोसु लगावइ वाले तू कउनउ काहे न होय तोहरे पास कउनउ जवाबु नाई हैं। काहे ते जेहि बात म तू दूसरेन पर दोसु लगाति है। उइ बात अपन आपे क दोसी ठहरावति है काहे ते तू जउन दोसु लगावति है खुदइ वहइ काम करति हइ। ²वही बात तू खुद न करत है अउर हम जानति है अइस काम करै वालेन पै परमेसुर कि ओर ते ठीकइ ठीकइ दन्द की आग्या होति हइ। ³अउर हे मनई, तू जउन

अइस कामु करै वालेन प दोसु लगावति है, अउर खुदै उइ कामु करति है, ई का समझति है। ⁴कि तू परमेसुर केर दन्द की आग्या ते बचि जाइ। का तू वहिकी किरपा अउर सहनसीलता अउर धीरज रूपी धन का तुच्छ जानति है, कि ई नाई समझति कि परमेसुर कि किरपा तोहिका पाप ते मन फेरब क सिखावति है?

⁵पर तू अपन कठोरता अउर हठीले मन केर माफिक परमेसुर उइ केर विरोध केर दिनु केर न लिए, जेहिका परमेसुर क सच्चा नियाउ परगट होई। तू अपन कारन किरोध कमाई रहा हइ। ⁶परमेसुर हर एक केर उइके कामन केर माफिक वहिका कामन का बदला दई। जउन सुकरमु स्थिर रहि केर महिमा, अउर आदरु अउर अमरता कि खोज मा है। ⁷उइका ऊ असीमु जीवनु देई। पर जउन विवादी हइ अउर जउन सत का नाई मानत हइ। ⁸वहि क अधरम मानत है उइ पे परमेसुर किरोधु अउर कोपु परि हइ हर एक मनई पर जौनु बुरे काम है करत है। ⁹अउर कलेसु व संकटु केर हुए एकु मनई केर परानन पर जउन बुरा करति हइ आई पहिले यहूदिन फिर यूनानिन क पेसा हइ। ¹⁰महिमा आदरु अउर कलयानु हर एकेर केर मिली जउन भला करति हइ पहले यहूदिन केर फिर यूनानिन का। ¹¹काहे ते परमेसुर कउनउ केर पच्छ नाई करत है।

¹²यहिते कि जउनउ बिना बेवस्था केर पापु किहिन उइ बिना बेवस्था केर नासौ होइ हंइ। अउर जउन बेवस्था पाइके पाप किहिस उइका दन्दु बेवस्था केर माफिक होई। ¹³काहे ते परमेसुर केर हियां बेवस्था क सुनई वाले धरमी नाहि बेवस्था प चलइ वाले धरमी ठहराये जइहैं। ¹⁴फिर जबइ दूसर धरम मानइ वाले लोगन जेहिके तीन बेवस्था नाहीं सुभावे तबइ बेवस्था उइ केर पास न होई। उई अपन आपइ बेवस्था हुई। ¹⁵उइ बेवस्था कि बातन अपन-अपन हिरदय म लिखि भई दिखाव लिहइ उइके विवेकउ गवाही देत हई। अउर उइकी चिन्ता आप तई मा दोसु लगावति या उइके निरदोसु ठहरावति हयं। ¹⁶ई जेहि दिनु परमेसुर हमार सुभ सन्देस केर माफिक यीसु मसीह केर हाथन मनइन कि गुपुत बातन केर नियाउ करिहैं।

यहुदिनन अउर नियमु

¹⁷अउर तुइ यहूदी कहलावत हइ अउर बेवस्था पर भरोसा राखति हइ, अउर परमेसुर केर बारे मां घमंड करति हयं। ¹⁸अउर उइ वहिकी इच्छा जानति हइ अउर बेवस्था कि सिच्छा पाइ कइ उततमु-उततमु

बातन क प्रिय जानति हयं।¹⁹अउर अपन प भरोसा राखति हइ कि हम अन्धन क अगुआ अउर अंधकार मा परे हुवन कि जोती।²⁰अउर बद्धिहीनन केर सिखावइ वाले अउर बालकन केर उपदेसकु हउ, अउर ग्यानु अउर सच केर नमूना जउन बेवस्था म हइ मोहिका मिला है।²¹यहिते का तू जउन औरन क सिखावति हइ अपन आपै नाहीं सिखवति हइ।²²तू जउन कहति हइ विभचारु न करेव का तुहि ऊ बेभिचारु करति हइ, का तुइ जउन मूरतिन ते घिरना करत हइ, का तुहि ऊ मंदिरन लूटति हइ।²³तुइ जउन बेवस्था का बारे मा घमंड करत है, का तू खुदे बेवस्था न मानि कइ परमेसुर का आनादर करत है।²⁴काहे ते तोहरे कारन दुसरेइ धरमन केर मानइ वालेन म परमेसुर केर नाम कि निंदा कीन जाति हइ, जइस लिखउ हइ।

²⁵यदि तुइ बेवस्था पे चलइ तउ खतने त लाभु तउ है। मगर तुइ बेवस्था क न मानइ। तउ तेर खतरा बिनु खतना की दसइ ठहरइ।²⁶मुला जदि बिनु खतना केर मनई बेवस्था की विधि क मानइ केर तउ बिनु खतना कि दसा मनई ठहरत, तउ का उहिकी बिनु खतना की दसा खतने केर बराबर न मानी जाई।²⁷अउर जउन मनई धरम केर कारन बिनु खतनइ रहा, अगर उइ बेवस्था केर पूरा करे तउ वोहिका जउन लेख पावइ अउर खतना किएइ जाई पहू बेवस्था केर नाई मानत करत हइ, दोसी न ठहरइ।

²⁸काहे ते उइ यहूदी नाहीं जउन परगट मा यहूदी हैं अउर न उइ खतना हइ, जउन परगट मा हैं अउर देह मा हइ।²⁹पइ यहूदी वहइ हइ जउन मन मा हइ जउन खतना नाई हइ, जउन हिरदय केर अउर आतमा मा हइ। न कि लेखु का ऐसन की बड़ाई मनइन कि ओर ते नाई, मगर परमेसुर कि ओर ते होति हइ।

परमेसुर केर बिसवासु

3वहु यहूदिन कि का बड़ाई या खतने केर लाभु? ²हर परकार ते बहुत कछु पहिले तउ यहू कि परमेसुर केर वचन उइ केर सउपे गये।

³यहि कितनेउ बिसवासुघाती निकरै तउ का भवां का उइ केर बिसवासु घाती होवे ते वे परमेसुर की सचाई बेयरथ ठहरि हइ।⁴कबहू नहीं बल्कि परमेसुर सच्चा अउर हर एक मनई झूठइ ठहरी। जइस लिखउ हइ।

⁵कि जेहिते तू अपन बातन म धरमी ठहरइ अउर जइस किहइ नियाउ करत समय तू जाय पावेइ। अगर हमार अधरम परमेसुर केर धारमिकता ठहराइ

देति है तउ हमका कहिबे? का ई कि परमेसुर जउन किरोध करत है अनियायी है? ⁶तउ हम कबहू नाहि तउ परमेसुर कइसे जगत क नियाउ करिहइ? ⁷यदि हमार झूठ केर कारन परमेसुर की सचाई उइकी महिमा केर खातिर अधिक करि कइ परगट भई तउ फिर काहे पापिन कि नाइ हम दंड केर जोग ठहिरावा जाइत है।⁸हम काहे बुराई न करी कि भलाई निकरै? जब हम पै ई दोसु लगावइ जात हइ अउर कितनेउ कहति है कि इनहुन केर यहइ कहतु हइ। मुला ऐसन का दोसी हरावउ ठीक हइ।

कउनउ बिसवासु नाहिन

⁹तौ फिर का भवा? का हम उइते अच्छे हुइ कबहू नाई। काहे ते हम यहूदी अउर यूनानिन दुनो प ई दोसु लगाइ चुकेइ हउ कि उइ सबइ पाप कहित हइ केर बस मा है।¹⁰जइसन लिखउ हइ कि कउनउ मनई धरमी नाई, एकौ नाई।¹¹कउनउ समझदार नाई, कउनउ परमेसुर क खोजइ वाल नाई।¹²सबै भटक गयेइ हइ सबके सबै निकम्मे बनि गये हैं।¹³कउनउ भलाई करइ वाला नाई हइ। एकउ नाहीं। पर उइ का गलउ खुली भई कबर हइ, उइ अपन जीभी ते छल किहिन है। उइके ओढ़न मा सांपन केरू बिसु है।¹⁴अउर उइ का मुंह सराप अउर करुवाहट ते भरइ है।¹⁵उइके पांव लोहू बहावइ केर फुरतीले हैं।¹⁶उइ केर मारगन मा नासु अउर कलेसु हइ।¹⁷उइ कुसल क मारग नाई जानिन।¹⁸उनकी आंखिन केर समुहे परमेसुर केर भय नाहीं।¹⁹हम ई जानित है कि बेवस्था जउन कछु कहति है उनीं ते कहति है। जउन बेवस्था केर अधीन है। इहिते हर एक केर मुंह बंद कीन जाय। अउर सारा संसार परमेसुर केर दन्ड केर योग ठहरइ।²⁰कहि ते बेवस्था केर समुहे धरमी नाई ठहरी इहिते कि बेवस्था केर जरिये पाप की पहिचानु होति हइ।

बिसवासु दुवारा धारमिकता

²¹पर अब विनई बेवस्था परमेसुर कि उइ धारमिकता परगट भई है जेहिकी गवाही बेवस्था अउर नबी देत है।²²मानो की परमेसुर की उहै धरमिकता जउन मसीह पर बिसवासु करइ ते सबै बिसवासु करे वालेन केर खातिर हइ उह कछु भेदु नाई।²³इहि कारन कि सबै पापु किहिन हइ अउर परमेसुर कि महिमा ते रहित है।²⁴मुला उइ केर किरपा ते उइ छुटकारेन केर खातिर जउन मसीह यीसु मां है ते तइ धरमी ठहराये जात है।²⁵उहिका परमेसुर उइके लोहू केर कारन एकु अइस परासचित ठहिरा गये जउन

बिसवासु करइ ते काजकारी होत है कि जउन पाप पहिले किये गये। ²⁶अउर जेहिकी परमेसुर अपन सहनसकती ते आना कानी किहिन उइके बारे मां उइ आपन धरमिकता परगट करइ। बल्कि यहि एकरे कारन किहिस है कि यही समय उइ की धरमिकता परगट होय कि जेहिते उइ खुदै आपनि धरमी ठहरइ, अउर जउन मनई यीसु पर बिसवासु करै उइ धरमी ठहरावै वाल होय।

²⁷तउ घमंडु करब कहां रहा? उइ तौ जगहै नाई। ²⁸कउनउ बेवस्था केर कारन ते? का करमन की बेवस्था? नाई बल्कि बिसवासु की बेवस्था केर कारन। यहिते हम ई परिनाम प पहुंचति हइ, कि मनई बेवस्था केर कारन केर बिना बिसवासु केर दुवारइ धरमी ठहरति हइ। ²⁹का परमेसुर केवल यहु दिनन का है का दूसरे धरम मानइ वालेन का नाई? हां दूसरे धरम मानेन वालेन क है। ³⁰काहे ते परमेसुर एकइ हइ, जउन खतना वालेन क बिसवासु ते अउर खतना रहितौ क बिसवासु केर दुआरा धरमी ठहराई। ³¹तौ का हम बेवस्था केर बिसवासु केर दुआरा वेयरथ ठहराइत हइ। कबहू नाइ, बल्कि बेवस्था क स्थिर करित हइ।

बिसवासु दुआरा अबराम जानि गवा

4 सोइ हमका कही कि हमार सरीरौ क ई बाप अबराम का मिला। ²काहे ते अउर अबराम कामन ते धरमी ठहरा केर जात है तउ उहिका घमंडु करइ की जगह होते। मुला परमेसुर केर पास नाहीं। ³पवित्र सास्त्र का ई कहति है कि अबराम परमेसुर प बिसवासु किहिसि अउर ऊ उइके खातिर धारमिकता गिनी गइ।

⁴काम करै वालेन केर मजदूरी दैब, दानु नाहीं, मुला हम समझा जाति हैं ⁵मगर जउन नाहीं करति वरन् भगती ते हीन क धरमी ठहरावै वालेन प बिसवासु करति हइ, उइका बिसवासु उइके खातिर धारमिकता गिना जात हइ। ⁶जेहिका परमेसुर बिनु कामन धरमी ठहरावत है उइका दाऊदो धन्य कहत है।

⁷कि धन्य उइ है जेहि केर अधरम माफु भए। अउर जेहिके पापु ढांपि दीन गये।

⁸धन्य है उइ मनई जेहिका परमेसुर पापी न ठहरावै।

⁹तउ उइ धन्य कबहु कि खतना वालेनइ केर लिये उइ है या हम ई कहत है कि अबराम केर लिये उइका बिसवासु धारमिकता गिना गवा? ¹⁰खतने की दसा मां नाई, मगर बिनु खतना कि दसा मां। ¹¹अउर

उइ खतने क चीन्हु पाइसि, कि उइ बिसवासु की धारमिकता प छापु होइ जाय, जउन उइने बिना खतने की दसा म रखिस रहइ जेहिते ऊ उन सबन क बाप ठहरे जउन बिना खतने की दसा में बिसवासु करति हइ अउर कि उइ ऊ धरमी ठहराइ। ¹²अउर उइ खतना किये हुअन क बाप होई जउन सिर्फ खतना किए गए हैं। अउर हमार बाप अबराम केर उइ बिसवासु केर लीक प चलत है जउन उइ विन खतना कि दसा मां किहिस रहै।

¹³काहे ते ई परतिग्या कि उहु जगत क वारिस होई न अबराम क न बंस क बेवस्था क दुआरा दीन गई रहइ। परन्तु बिसवासु कि धरमिकता केर दुआरा मिली रहै। ¹⁴यदि काहे ते बेवस्था वाले वारिस है तउ बिसवासु अउर परतिग्या निसफल भई। ¹⁵बेवस्था कुरोध उपजावत है, अउर जहां बेवस्था नाई है हुवां उइका टालबउ नाहीं।

¹⁶इहि कारन ऊ बिसवासु केर दुआरा मिलति हइ कि अनुगरहु की रीति प हाय कि परतिग्या सबे केर लिए दिरिड़ होय, ना कि केवल उन्हीं केर लिए जउन बेवस्था वालेन है। वरन् उनहुन क लीन्हें जउन अबराम केर बरोबर बिसवासु वालेन हयं। वहै हम सब का बाप है। ¹⁷जइस लिखउ हइ कि मई तुमका हम अनेक धरम मानेइ वालेन क बाप ठहराइत हइ। उइ परमेसुर केर समुहे जेहि पर उइ बिसवासु किहिसि अउर जउन मरे हुअन क जियावति हइ, अउर जउन बातइ हई नाई, उइका नाव ऐस लेत हउ कि मानउ उइ हन।

¹⁸अबराम उइ निरासउ मां आस रखि कइ बिसवासु किहिसि जेहिते, उइ बचनु केर मुताबिक कि तोहार बंस ऐसन होई, उइ अनेकन जातिन केर बाप होई।

¹⁹अउर उइ जउन अबराम अउरन एक सौ वरिस केर रहै तबउ अपन मरे हुएन ते सरीरु अउर सारा केर गरभ मारी भई जस ई दसा जानि केइ ऊ बिसवासु मं निरबल नाई भवा। ²⁰अबराम अउरन बिसवासु हुइ केर परमेसुर क परतिग्या प सन्देसु नाई किहिसि पर उइके बिसवासु मां दिरिड़ होई केर परमेसुर केर महिमा किहिसि। ²¹अबराम अउर निसचय जानिउ कि जउन बातु कि उइ परतिग्या किहिसि उइ वहु क पूरी करउ का सामरथ है। ²²एहिते ई बिसवासु ते अबराम वहिके लीन्हें धारमिकता गिना भवा। ²³उइ ई बचनु क बिसवासु उइ की खातिर लिखा गवा। ²⁴ना कि हमारे खातिरऊ जउन कि खातिर हमार बिसवासु धारमिकता गिना जाई या ते हमरी खातिर जउन परमेसुर पर बिसवासु करति है जउन हमरे परभु यीसु

मसीह कइ मेरे हुवय मां ते जियाइन। ²⁵ऊ यीसु मसीह हमार अपराधन केर खातिर पकरवावा गवा। अउर धरमी ठहरइ कि खातिर जियावउ गवा।

सान्ति अउर खुसी

5 यहिहे जबइ हम बिसवासु ते धरमी ठहरे हैं तउ अपन परभु यीसु मसीह केर जरिए परमेसुर केर साथ मेल राखी। ²जेहिके खातिर मसीह बिसवासु केर कारन उइ किरपा तलक जेहिहे हम बने हन। हमारि पहुचेउ भई, अउर परमेसुर की महिमा कि आस पइ घमंडु करइ। ³खाली यही नाइ मुला हम कलेसउ म घमंडु करि हइ जानि केर कि कलेसन ते धीरजु। ⁴अउर धीरज ते खरौ निकसत। अउर खरा निकसइ ते आस जनमति हय। ⁵अउर आसा ते लज्जा नाहीं आवतु काहे ते जउन पवित्र आतमा जउन हमइ दीन गई हय वहिके जरिये परमेसुर क पिरेम हमार मन मां डारा गवा हय।

⁶काहे ते जबइ तक हम निरबलइ रहै तबै मसीह ठीक समय प भगती हीननि केर खातिर मरि गवा। ⁷कउनउ धरमी मनई कि खातिर ई तौ दुरलभु हइ मुला का जानि कउनउ भले मनई की खातिर कउनउ मरइ क हिम्मत करइ। ⁸परमेसुर हम प अपन पिरेम की भलाई ई रीति ते परगट करत हइ। कि जबहि हम पापिन रहन तबहीं मसीह हमार खातिर मरि गवा।

⁹जबइ कि हम अब उइ केर लोहू केर कारन धरमी ठहरे। जउ वहिके जरिये परमेसुर केर किरोध ते काहे न बचिवई। ¹⁰काहे ते परमेसुर क बैरी होवै कि दसा म तउ वहिके बेटवा कि मरनू केर जरिये हमार मेल परमेसुर केर साथइ भवा रहा। फिर मेरि जाई ऊ केर जीवन केर कारन हम उधारु काहे न पाइ बइ। ¹¹अउर केवल यही नाई पर हम अपन परभु यीसु मसीह केर जरिए जउन केर जरिए हमार मेलु भवा है परमेर केर बारे म घमण्डु करत हइ।

आदम दुआरा मिरतु अउर यीसु दुआरा जीवन

¹²यहिहे जइसन एकु मनइ केर जरिए पाप जगत म आवा अउर पाप केर जरिए मिरतू आई अउर यीह रीति ते मिरतू सबन मनईन मां फेरि गय यहि ते कि सबै पाप किहिन। ¹³काहे ते बेवस्था की दीन्हें जाय तलक पाप जगत म तउ रहै, पर जउन जगह प बेवस्था नाई उहां पाप गिना नाहीं जात। ¹⁴फिरु इहि तरह आदम ते लइ केर मूसा तलक मिरतू उइ लोगन प राज किहिस, जउन उइ आदम केर अपराधु केर नाई जउन उइ आवै वालेनक चिन्हारि हइ पाप न किहिस।

¹⁵पर जस, अपराध केर दसा हय वइसेन किरपा केर बरदानु केर नाहीं काहे ते जब एक मनई केर अपराध ते बहुते लोगन मरइ, तउ परमेसुर केर अनुगिरह अउर तुहिका जउन दानु एक मनई केर यानी यीसु मसीह केर किरपा ते भवा बहुत लोगन प अवसय अधिकाई ते भवा। मुला अधिकाई ते भवा। ¹⁶अउर जइसइ एकु मनई केर पाप करइ केर फलु भवा वैसइ दान की दासा नाई काहे ते एकहि कारन दन्द की आग्या क फूसला भवा परन्तु बहुतइ अपराधन ते ए इस बरदान पैदा भवा कि लोगन धरमी ठहरे। ¹⁷काहे ते जब एक मनई केर अपराधु केर कारन मिरतू तउ उइ एकइ केर जरिये राज किहिस। जउन लोगन किरपा अउर धरम रूप से बरदान बहुताई ते पावत हउ उइ एक मनई केर यारनी यीसु मसीह केर जरिये अवसय अनन्त जीवन मा राज करिहई।

¹⁸एहिहे जइस एकु अपराधु सबइ मनइन केर खातिर दन्द केर आग्या क कारनु भवा। इसे एकु परम का कामउ सबन मनई केर खातिर जिनगी केर निमित्त धरमी—ठहराई जाई केर कारन भवा। ¹⁹काहे ते जइस एक मनई की आग्या न मानइ ते बहुतइ लोग पापी ठहरिहैं वैसेन एक मनई की आग्या मानइ ते बहुतै लोग धरमी ठहरि हई। ²⁰अउर बेवस्था बीच मां आइ गयी कि अपराधु बहुत होय जइहैं। पापु बहुत भवा उहां उइतेउ किरपा अधिक भवा। ²¹कि जइस पापु मिरतू फेलावति भए राज किहिस वइसइ हमार परभु यीसु मसीह केर जरिए किरपा अनन्त जीवन केर खातिर धरमी ठहरावत भए राज करइ।

पाप केर मजुरी मिरतु यीसु दुआरा जीवन

6 हम का कहीं का हम पापु करति हइ कि किरपा बहुत होय? ²कबहुं नाहीं, हम पाप केर खातिर मरि गयेन तउ फिरि आगेन उइ काहे जीवनु बिताई? ³का तुम नाई जानत हउ कि हम जियने मसीह क बपतिसमा लीन, तनु उइ की मिरतु क बपतिसमा लिहेन। ⁴ई कारन उइ मौत क बपतिसमा पावइते हम उइ केर साथे गाड़ि दीन गये। जेहिहे जइसन मसीह बाप महिमा केर जरिए भरे हुइन मां ते जियावा गवा, वैसेइ हमहूँ नवा जीवन की जइस चालु चली।

⁵काहे ते, अगर हम उइ की मसीह की मौत की बराबरी मां उइ केर साथइ जुटि गए हय तउ जरूर उइ केर जी उठइ की बराबरी म जुटि जाइब। ⁶हम जानित हय कि हमार पुरान मनई पर उइकै साथे सलीब प चढ़ावा गवा। जेहिहे पापु क सरीर बेकार

हई जाई। जेहिते हम आगे क पापु का दासपन न रहि जाय। ⁷काहे ते जउन मनई मरि गवा, वहु पाप ते छूटि क धरमी ठहरा।

⁸हम मसीह क साथे मरि जाई तउ हमार बिसवासु इहु हय कि हम उइके साथे जिउवइ करिब। ⁹काहे ते इउ जानित हय कि मसीह मरे हुएन माते जी केर उठि रहै फिर मरइ क नाई उइ पै फिर मौत कि परभुता नाई होय। ¹⁰काहे ते उइ जउन मरि गवा तउ पापु क खातिर एकइ बार मरि गवा। पर जउन जीवित हइ तउ परमेसुर क खातिर जियत रहा।

¹¹अइसहू तुमहू अपन आप क पाप केर खातिर मरि गवा। तउ परमेसुर क खातिर मसीह यीसु म जियते समझउ। ¹²एहि ते पापु तोहरे मरनन हार देह म राज न करइ कि तुइ उइ की लालसन केर अधीन रहउ। ¹³अउर न अंगन केर अधरम केर हथियार होवे केर खातिर पापु क सौपेउ पर अपन आप क मरन हुअन मां ते जउन उठा भवा जानि कइ परमेसुर क सौपे देय। अउर अपन अंगन क धरम क हथियार होवै क खातिर परमेसुर क सौपे देउ। ¹⁴अउर तुइ पै पाप केर परभुता न होई काहे ते तुइ बेवस्था केर अधीन नाई किन किरा केर अधीन हौ।

धारमिकता क दास

¹⁵तउ का भवा? का हम एहिते पापु करी कि हम बेवस्था केर अधीन हई कबौ नाहीं? ¹⁶का तुइ नाई जानत है, जेहिकी आग्या मानइ केर खातिर अपन आप क दामन कि नाई सौपे देति हउ। उहिकी दासु हउ, अउर जेहिका मानति होउ चाहे पापु क जेहिका अन्तु मौतु हइ चाहे आग्या मानइ क जेहिका अन्तु धारमिकता हय। ¹⁷परन्तु परमेसुर क धन्यवाद होय कि तुइ जउन पाप केर दास रहउ तउ मन ते उइ उपदेसु क मानइ वालेन हुइ गयउ। जेहिके सांचे म ढाले गए रहउ। ¹⁸अउर पाप ते छोराये जाइके धरमु केर दास हुइ गयउ।

¹⁹हम तोहरी देही कि कमजोरी केर कारनु मनइन की रीति पै कहति हउं जेइसन तुइ अपन अंगन केर कुकरम केर खातिर तय असुद्धता अउर कुकरम केर दास केर सौपेउ रहै। वइसे अब अपन अंगन कि पवित्तरता केर खातिर धरम केर दास करि कइ सौपे देउ।

²⁰जबै तु पाप क दास तने धरम कि ओर ते सुतंत्र रहेउ। ²¹यहिते जउन बातन ते अब तुइ लज्जित होत हइ उइते उइ समय तुइ कउन फलु पावति रहइ? ²²काहे ते उइका अन्तु मौत हइ। पर अब पाप ते

सुतन्त्र होई कइ अउर परमेसुर क दास बनि कइ तुइ फलु पाइतनि जइते। पवित्तरता परापत होत हइ अउर उइ केर अन्तु अनन्त जीवन हइ। ²³काहे ते पाप केर मजदूरी तउ मौत हय। पर परमेसुर क बरदान हमरे परभु यीसु मसीह म अनन्तु जीवन हइ।

बियाह केर बारे म

⁷ए भइयन का तू नाहीं जानत? हम बेवस्था क जानेइ वालेन ते कहति हई कि जबइ तक मनई जियत रहत हइ तबै तक उइ बेवस्था केर परभुता रही। ²काहे ते वियाहता मेहरारू बेवस्था केर मुताबिक अपन पती केर जियति जी उइ ते बन्धी हइ। पर अगर पती मरि जाय तउ उइ पति की बेवस्था ते छूटि जाइ। ³तउ अगर पति केर जियतै जी उइ कउनउ दूसर मनई की हुइ जाय तउ विभिचारिनी कहलाई, पर अगर पती मरि जाइ तउ उइ बेवस्था ते छूटि गइ। इहां तलक अगर कउनउ दूसरे कि होइ जाय तउ विभिचारि न ठहराइ।

⁴यहिते हे मोर भइयउ तुम्हरे मसीह कि देह केर जरिए बेवस्था केर खनती हुए बनि कयउ कि उइ दुसरि क होइ जाव जउन मरे हुवन केर खातिर फलु लाए। ⁵काहे ते जबइ हम सरीर म रहित तउ पापन की अभिलासव जउन बेवस्था केर जरिए रहे मिरतु केर फलु, पैदा करइ केर खातिर हमार अंगन म काम करति रहै। ⁶पर जेहि केर बंधन मा हम रहेन, उइके खातिर मरि कइ अब बेवस्था ते ऐसन छूटि गये कि लेख की पुरानी रीति पइ नाई। बलकी आतमा की नयी रीति प सेवा करति हय।

पाप केर साथ संघरसु

⁷तउ हम का कहीं? का बेवस्था पापु हय। कबौ नाहीं बलकी बिन बेवस्था हम पाप की नाई पहिचानित। बेवस्था अगर नाई कहति कि लालच न करा, तउ हम लालच क नाई जानित। ⁸मुला पाप ई मौका पाइके आग्या केर जरिये म सब परकार कइ लालच पैदा को कहित बिन बेवस्था पापु मुरदा हइ। ⁹हम तउ बेवस्था बिना पहिले यित रहेन रहेन, पर जबइ आग्या मिली तौ पापु जिय गवा, अउर हम मरि गयेन। ¹⁰अउर वहइ आग्या जउन जीवन क खातिर रहइ हमार खातिर मरइ केर खातिर ठहरिउ। ¹¹काहे ते पाप मौका पाइके आग्या केर जरिए हमका वहकाइ कि अउर उहिके जरिए मोहि का मारिउ डारिसि। ¹²इहि कारन बेवस्था पवित्तर हइ। अउर आग्यउ भी नीक अउर अच्छी हय।

¹³तउ का उइ जउन अच्छी रहेन हमार खातिर मौत ठहरी? कबौ नाहीं पर पापु उइ अच्छी चीजन केर जरिए। हमार खातिर मउत का पैदा करइ वाले भयउ कि वहिका पापु होब परगट होय। अउर आग्या केर जरिए पापु बहतइ पाप म ठहरई।

¹⁴काहे ते हम जानित हय कि बेवस्था तउ तौ आतमिक हइ। पर हम सरीर केर अउर पापु केर हाथन बिके भये हन। ¹⁵अउर जउन हम करित हइ उइ का नाई जानित। काहे ते जउन हम करित हइ उइ का नाई जानित। काहे ते जउन हम चाहत हइ वहु नाइ किया करित हइ जेहिते मोहिका घिना आवति हइ वहइ हम करित हइ। ¹⁶अउर जउन हम नाई चाहित वहइ करित हइ तउ हम मानि लेइत हइ कि बेवस्था भली हइ। ¹⁷तउ तौ यही दसा मां। उइ का करै वाले हम नाई, बलकी पापु हइ। जउन हम मां बसा भवा हय। ¹⁸काहे ते हम जानित हइ कि मोहि मा यानी हमरी देही मां कउनउ नीक चीज बास नाई करति। इच्छा तउ मोहि मां हय। पर नीक काम हमते नाहीं होत। ¹⁹काहे ते जउन भलाई कामु बनि नाई पड़ति, हम इच्छा करित हइ उइ तौ नाई करित पर, जउन बुराई की इच्छा नाई करित हइ, वहै किया करित हइ। ²⁰पर अगर हम वहइ करित हइ, जेहि की इच्छा नाई करित तउ वहिका करइ वाले हम नाई रही, पर पापु जउन मोहिमा बसा भवा हइ।

²¹यहिते हम ई बेवस्था पाइसि हइ कि जबइ (हम) भलाई करइ कि इच्छा करित हइ, तउ बुराई हमरे नेरे आवति हइ। ²²काहे ते हम भीतरि कइ मनई पनते तउ परमेसुर कि बेवस्था ते बहुतै परसन रहति हय। ²³पर मोहि केर अपन अंगन मां दुसरेइ परकार की बेवस्था देखति परित है जउन हमार बुद्धी क बेवस्था ते लड़ति हइ, अउर मोहि केर पाप कि बेवस्था कि बन्धन मां डारत हइ। जउन हमार अंगन मां हइ। ²⁴हम कइस अभागे मनई हन मोहिका ई देह ते कउन छुड़ाई? ²⁵हम अपन परभु यीसु मसीह केर जरिए परमेसुर केर धन्यवाद करित हइ निदान हम आपन बुद्धी ते तउ परमेसुर कि बेवस्था पर पाप की बेवस्था क सेवन करति हइ।

आतमा पर मन लगाना जीवन

8यहिते ते अब जउन मसीह यीसु म हय। उइ दन्ड की आग्या नाहीं, काहे ते उइ सरीर क मुताबिक नाइ, बल्कि आतमा क मुताबिक चलति हइ। ²काहे ते जीवन कि आतमा कि बेवस्था ते मसीह यीसु म मोहि का पाप कइ अउर मौतु कि बेवस्था ते सुतंतर

करि दिहिन। ³काहे ते जउन काम बेवस्था सरीर केर कारन निरबल होइ क नाई कइ सकी वहिका परमेसुर की यानी अपन बेटुवा कइ पापमय देह कि समानता म अउर पाप केर बलदान होइ क खातिर भेजि कइ ई सरीर मां पापमय डन्ड कि आग्या दिहिन। ⁴एहि कि बेवस्था कि विधि मोहिमा जउन सरीर केर मुताबिक नाई बलकी आतमा केर मुताबिक चलति हइ। पूरी की जाइ।

⁵काहे ते सरीर केर मनई सरीर केर बातन पर मन लगावत हय, वरन आतमा केर मनई आपन केर बातन पर मनु लगावति हइ। ⁶सरीर प मनु लगावै म मिरतू हय (मौत हय) पर आतमा प मनु लगावतु जीवतु अउर सान्ती हइ। ⁷काहे ते सरीर पर मनु लगावतु परमेसुर ते बैरु राखवु हय, काहे तउ परमेसुर कि बेवस्था की अधीन होत हय। अउर न हो सकत हइ। ⁸अउर जउन सरीर केर दसा म वे उइ परमेसुर की बेवस्था की अधीन होत हय। अउर न होइ सकत हइ।

⁹पर जबै परमेसुर कि आतमा तुइ मां बसति हय तउ उइ सरीर कँदसा मं नाही हय, पर आतमा कि दसा मं हउ। अगर कउनउ मां मसीह कि आतमा नाई हइ तउ वै जउ जौनु नाई भई। ¹⁰अउर मसीह तुह मां हइ तउ देह पाप केर कारन मरी भई हय। प आतमा धरम केर कारन जीवित हइ। ¹¹अउर अगर वहि की आतमा जेहिमा यीसु क मरे हुएन मां ते जिलाइसि, तुइ मां बसउ हइ, तउ जेहि मसीह क मरे हुएन मा ते जियाइस उइ तोहरी नासमान देहि क आपन आतमा केर जरिये जउन तोहिमां बसा भवा हुइ जियइ हइ।

¹²तौन ए भयउ ऊ हम सरीर केर करजदार नाई कि जेहिते सरीर की मुताबिक जिनगी बिताई। ¹³काहे ते अगर तू सरीर केर मुताबिक दिन कटिहउ तउ मरि हो, अगर आतमा देह कि किरियन क मरिहउ तउ जियत रहि हउ। ¹⁴यहिते कि जितनेइ मनई परमेसुर कि आतमा केर जरिये चलति जाति हइ वही परमेसुर क बेटुवा हय। ¹⁵काहे ते तोहिका दास तव केर आतमा नाई मिली कि फिर भयभीतु होउ। पर लेपालकपन केर आतमा मिलि हय, जेहिते हे अब्बा, हे बाप कहि कइ पुकारति हइ। ¹⁶आतमा खुद हमार आतमा केर साथ इ गवाही देति हयकि हम परमेसुर कि सन्तान हय। ¹⁷अर अगर सन्तानु हइ तौ वरिसउ बलकी परमेसुर केर वारिस अउर मसीह क साथी वारिस हइ जबै हम वहि केर साथ दुख उठाइ केर उइके साथ महिमउ पाई।

भबिस म महिमा

¹⁸काहे ते हम समझित हइ कि ई समय केर दुख अउर कलेसु उइ महिमा केर समुहे जउन हम पै परगट होवै वाली हय, कुछौ भी नाहीं हइ। ¹⁹काहे ते दुनियां बड़ी आसा भरी निगाह ते परमेसुर केर बेटवन केर परगट होवै कि बांट जोहत हइ। ²⁰काहे ते दुनिया अपन इच्छा ते नाई पर अधीन करइ वालेन कि ओर ते बेयरथ केर अधीन इहि आसा ते कीन गई। ²¹कि दुनिया अपने खुदै विनासु केर दासता ते छुटकारा पाइ कइ परमेसुर कि सन्तानन केर महिमा की सुतंतरता परापत करिहइ।

²²काहे ते हम जानित हइ, कि सारी दुनिया अब तलक मिलि कइ कराहत अउर पीरन म पड़ी तरपति हइ। ²³अउर केवल उहि नाई पर हमहूँ जेहि के पास आतमा क पहिल फलु हउ खुदै आपन मां कराहति हइ। अउर लेपालक होई क यानी अपन देही क छुटकारेइ कि बांट जोहति हइ। ²⁴आसा के जरिये हमार उद्धार भवा हइ। पर जउन सामान की आस कीन जाति हइ। जबइ उइ देखन मां आवइ ऊ फिर आसु कहिके रहीं? काहे ते जउन सामान क कउनउ रहा हइ। उइ की आस का करी। ²⁵पर जउन सामान का हम नाई देखित अउर उइकी आस राखित हइ तउ धीरज ते वहिकी बांट जोहति हइ।

²⁶यही नाते ते आतमउ हमार निरखल तव सहायता करति हइ, काहे ते हम नाई जानित कि पराथना कउनु माति ते करैक चाही। पर आतमा खुदै ऐइसि आहें भरि—भरि कइ जउन बयान ते बाहर हइ। हमार लिये बिनती करति हइ। ²⁷अउर मरन क जांचेइ वालइ जानति हइ कि आतमा के मन मा का हइ? काहे ते उइ पवित्तर लोगन के खातिर परमेसुर कि इच्छा कि मुताबिक बिनती करत हय।

बिजेता ते बड़ केर

²⁸अउर हम जानित हइ कि जउन लोग परमेसुर ते पिरेम राखति हय, उइ कै खातिर सबइ बातइ मिलि कइ भलाइय पैदा करति हय, यानी उनहिन केर खातिर जउन उइ की इच्छा कि खातिर बुलाए भये हइ। ²⁹काहे ते जेहिका पहिलेन म जानि जीवन हइ, उन्हका ते ठहराइउ हइ कि उइके बेटवा के रूप मा होउ। जेहिते बहुतइ भइयन म पहिलउ ठहरइ। ³⁰फिर जेहिका उइ पहिलेन ते ठहराइन उनहुन क बुलाइन रहै। अउर जिन्हका बुलइन उन्ह का धरमिउ ठहराइन हइ, अउर जेहिका धरमी ठहराइन उन्हका महिमउ दीन हइ।

³¹ई कारन हम इन्ह बातेन कै बारे मां का कही अगर परमेसुर हमरी ओर हइ तउ हमार विरोधी कवनु हुइ सकत हय। ³²जउन अपनइ बेटवउ क न रखि छोड़ेसि पर वहु क हम सबै क खातिर दइ दिहिस ऊ उइ केर साथ हमका अउर सबइ कुछ काहे न देई। ³³परमेसुर क चुनै भयेन प कउनु दोसु लगाई परमेसुर ऊ हइ जउन उनहुक धरमी ठहरावै वाला हइ। ³⁴फिर कउन हइ जउन दंड कै आग्या देई? मसीह ऊ हइ जउन मरि गवा बलकी मुरदन मां ते जीउ उठा रही अउर परमेसुर क दाहिनी ओर हइ। अउर हमार खातिन बिनती करति हइ। ³⁵कउन हमहूँ क मसीह के पिरेम ते अलग करि हइ। का कलेसु या संकटु या उपदरउ या अकालु नंगाई जोखिम या तलवारु? ³⁶जइस लिखउ हइ कि धरम सास्तरन लिखित हय तोहरे खातिर हम दिनउ भर घात कीन्हें जाइत हय। हम बंधे होई वाली भेड़न कि नाई गिने गये हन। ³⁷पर ई सबन बातेन मां हम उइ के जरिये जउन हम ते पिरेम किहिस हइ जयन्तउ ते बढि कइ हइ। ³⁸काहे ते हम निश्चय जानित हइ न मौतु न जीवनु, न सरग क दूत, पर परधानतइ न बर्तमान बेवस्थइ न सामरथ। ³⁹न ऊंचाई न गहराई अउर न कउनउ अउर सिरिस्टी हमका परमेसुर क पिरेम ते जउन हमरे परभु मसीह यीसु म हय, अलग करि सकि हय।

परमेसुर केर सासक केर इच्छा

9हम मसीह म सचु कहित हइ झूठ नाई बोलित अउर हमार विवेकु पवित्तर आतमा मा गवाही देति हइ। ²मोहिका बड़इ सोकु दुख हइ अउर हमार मनु सदइ दुखित रहित हइ। ³काहे ते हम इहां तक चाहित रहइ कि अपन भाइन के खातिर जउनु सरीर केर भाउ केर हमार कुटुम्बी हई, आपउ मसीह ते सापित होइ जाति। ⁴उइ इसराएल हय। अउर लेपालकपन क हकु अउर महिमा अउर वाचाए अउर बेवस्थान अउर पूजा अउर पतिगयो उनहिक की हइ। ⁵पुरिखउ उनहिन की हइ, अउर मसीहउ सरीर के भाउ ते उनहिन मा ते भवा, जउन सबन कै ऊपर परम परमेसुर जुगन—जुगन तक धन हइ। आमीन। ⁶पर ई नाई कि परमेसुर केर वचनु टलि गवा, यहि ते जउनु कि इसराएल के बंस केर हई उइ सबै इसराएली नाई। ⁷अउर न अबराम के बंस के होवइ केर कारन सबै उइ के सनतान ठहरइ। पर लिखउ हइ कि इसहाकइ ही ते तोहार बंसु कहायो। ⁸यानी कि सरीर की परमेसुर कि सन्तान नाई पर परतिया कइ सन्तान बंस गिने जाति हइ। ⁹काहे ते परतिया केर

वचन ई हुइ कि हम ई समइ के मुताबिक आइब अउर सारा का बेटवा होई।

¹⁰अउर अकेले इहै नाई पर जबइ रिबका उ एकु ते यानी हमार कुल बाप इसहाक ते गरभवती हुई। ¹¹अउर अबही तलक न तउ बालकु जनमें रहइ। अउर न उइ कछु भलउ या बुरउ किहिस रहइ कि उइ कहिसि, कि जेरा ते छुटके क दासु होई। ¹²यहि ते परमेसुर कि मनसा जउन उइके चुनि लेइ के मुताबिक हइ, करमन के कारन नाई पर बुलावेइ वालेन पर बनी रहइ। ¹³जइस लिखउ गवा हइ कि हम याकूब ते पिरैम किहेन, पर ऐसाव क अपरिय जानेन।

¹⁴यहिते हम का कही? का परमेसुर कै इहां घर मा अनयायु हय? कबौ नाई। ¹⁵काहे ते उइ मूसा ते कहति हय, हम जेहि कउनउ प दया करै क चाहिं उहि पर दया करिहउ अउर जेहि कउनउ कउनउ प किरपा करै क चाहिं उहि प किरपा करिहउ।

¹⁶यहिते ई तउ चाहेन वालेन कि न तउ दोइइ वालेन कि पर दय करै वालेन परमेसुर कि इच्छा पर होत हय। ¹⁷काहे ते पवित्र सास्तर म फिरोन ते कहा गवा, कि हम तोहिका एही ते खड़ा कीएन हय कि तोहरे अपनी सामरथ दिखाई, अउर हमरे नामु क परचार सरिये धरती पर होय। ¹⁸उहिते यहि उइ जउन चाहित हइ उइ पर दया करित हय, अउर जेहिका चाहति हइ उइ का कठोरु कइ देति हइ।

¹⁹यहिते तुइ मोहि ते कहिइ उइ फिर काहे दोसु लगावति हइ? कउन उइ वहिकी इच्छुक सामना करति हइ? ²⁰ए मनई भला तुइ कवनु हइ, जउन परमेसुर क सामन करत हइ का गढ़ी सामान गढ़ै वाले ते कहि सकति हय कि तुइ मोहिका एइस काहे बनाइसि हइ। ²¹का कुम्हार की माटी पर अधिकार नाहीं कि एकइ लोदे मं ते, एकु बरतनु आदरु कै खातिर अउर दूसरे क अनादरु कै खातिर बनावइ? तउ इहिमा कउनिका अचम्भे कि बात भई।

²²कि परमेसुर अपन किरोध देखावइ अउर अपन सामरथ परगट करइ कि इच्छा ते किरोध के बरतनन क जउन विनास के खातिर तैयार किये गये रहइ। बड़े धीरजु ते साहिसि। ²³अउर दया के बरतनन पर जिन्हका उइ महिमा के खातिर पहले ते तैयार किहिन हय, अपन महिमा के धन क परगट करइ कि इच्छा किहिन। ²⁴यानी हम सबन प जउन उइ न केवल यहूदिन मां ते बलकी दूसरी धरमन मां तउ बुलाइसि। ²⁵जइस उइ नबी होसे की क किताब मां ऊ कहति हय कि जउन हमारि परजा नाई रहइ उन्हुन क हमते अपन परजा कहिब अउर जउन पिरया नाई रहै।

उहिका पिरया कहब। ²⁶जगत मां उइ ते इउ कहा गवा रहइ कि तुइ हमार परजा नाहीं हउ जगह वह जीवित परमेसुर कि सन्तान कहिलाइब हय। ²⁷अउर यसायाह इसराएल के बारे मां पुकारि कइ कहति हय कि चाहे इसराएल कि सनतानन कि गिनती समुंदर के बालू क बराबर होय। तबउ उइ मां ते थोड़ेइ बचि हइ। ²⁸काहे ते परभु अपन बचन धरती पूरा करि केर धरमिकता ते तुरतै वहिका सिद्धि करि हइ। ²⁹जइस यसायाह पहिलेइ कहिसि रहइ कि अगर सेनाउन क परभु हमरे खातिर कछु न छोड़ति। तउ हम सदोम नाई होई जाइति अउर अमोरा क सरीखे ठहरति।

बिसवासी इसराएल

³⁰यहिते हम का कही? इह कि दूसर धरम क मनाइ वालेन जउन धरमिकता कि खोजु नाई करति रहइ धरमिकता क जउन बिसवासु ते हइ। ³¹पर इसराएली जउन धरम कि बेवस्था कि खोज करत भये, उइ बेवस्था तलक नाई पहुँचे? ³²काहे ते उइ बिसवासु ते नाई पर मानों करम ते उइकी खोजु करति रहेउ, उइ ठोकर कै पत्थर प ठोकर खाइन। ³³जइस लिखउ हय, धरम सास्तर मां देखउ हम सियोन मां एकु ठेस लागइ क पत्थरु अउर ठोकरु खाय के एकु चट्टानु राखित हय। अउर जउन उइ प बिसवासु करिहइ उइ लज्जित न होइ।

10ए भयउ, इसराएल के लीन्हें हमार मन केर लालसा हइ अउर उइके खातिर परमेसुर ते हमार विनती हइ कि उइ उधारु पावेइ। ²काहे ते हम उइ की (इह) गवाही देत है कि उइका परमेसुर के खातिर धुनि लागि रहत हइ। पर बुद्धिमान क साथइ नाई। ³वह तो परमेसुर कि धरमिकता ते अनजानु रहि कइ, एहि लीन्हें वै अउर अपन धरमिकता की असथापना करइ के यतनु करिकै परमेसुर की धरमिकता के अधीन न भये। ⁴काहे ते हर एकु बिसवासु करै वालेन के खातिर धरमिकता कै निमित मसीह बेवस्था क अन्तु हइ।

⁵काहे ते मूसा यहु लिखित हइ कि जउन मनई उइ धरमिकता प जउन बेवस्था ते इह चलति हइ, उइ कारन जियति रहिहइ। ⁶पर जउन धरमिकता बिसवासु ते हइ उइ अइसे कहति हइ कि तुइ अपन मन मं यहु नाई कहेउ कि सरग पे कउन चढ़िहइ? यानी मसीह क उतार लावेइक खातिर। ⁷या गहराव व कवनु उतरी? यानी मसीह क मरे हुएन मां ते जिलाइ कइ ऊपर जावइ के खातिर। ⁸मुला बेवस्था का कहति

हइ? इहु कि वचनु तोहरे पासइ हय या मनु मां, अउर तोहरे मन मा इहु उइ विसवासु क वचन हइ। जउन हम परचार करति हय। ⁹कि अगर तुइ अपन मुह ते यीसु को परभु जानि केर अंगीकार करइ अउर अपन मन ते विसवासु करइ कि परमेसुर वहिका मरे हुएन मा ते जियाइसि। बहुतइ निस्चय उद्धार पाई। ¹⁰काहे ते धारमिकता के खातिर मन ते विसवासु कीन जात हइ अउर उद्धार कै खातिर मुंह ते अंगीकार कीन जात हइ। ¹¹काहे ते पवित्र सास्त्र ई कहति हय कि कउनउ उइ पे विसवासु करि हइ उइ लज्जत न होई। ¹²यहूदिन अउर यूनानिन मा कछु भेदु नाही इहि कारन कि बहु सबै क परभु हय, अउर अपन सब नाउ लइन वालेन क खातिर उद्धार हइ। ¹³काहे ते जउन कउनउ परभु क नाम लेई वहु उद्धार पाई।

¹⁴फिर जेहि पर उइ विस्वासु नाई किहिन उइ उहि का नाम काहे लेई। अउर जेहिकी नाई सुनिन उइ पर काहे विसवासु करौ। ¹⁵अउर परचारक बिन कहा सुनै? अउर अगर भेजइ न जाई तउ काहे परचार करे? जइस लिखि हय कि उइके पाँव कइस सुहावने हइ। जउन नीक बातन क सुभ सनेस सुनावति हइ।

¹⁶पर सबइ उइ सुभ सनेस पै कानन पै लगाइन धियान नाहीं दिहिन। यसायाह कहति हय कि हे परभु कउन हमार सचार क परतीत कहिस हय? ¹⁷यहिते विसवासु सुनइ ते अउर सुनव मसीह क वचनु ते लेत हइ। ¹⁸पर हम कहित हय का उइ नाई सुनिन? सुनि तौ सही काहे ते लिखउ हय कि धरम सास्तरन मा लिखा गवा हय उइके सुर सारी धरती प अउर उइ के वचनु जगतु के छोर तक पहुँचि गये। ¹⁹फिर ऊ कहित हय का इसराएल ई भइ नहीं जानित हइ तउ मूसा कहिति हय कि हम उइके जरिये उनहुन जउन जाति केइ तोहरे मन मा जलन उपजाइव हय उन्हुउ का मन मां जलन उपजाय हय। हम एकु मूढ जाति के जरिए तोइका रिस दिलावउब। ²⁰फिर यसायाह बड़े हिसाब के साथ कह हय क जउन नाई दूढ़त रहइ उइ हमका पूछि लिहिन हय। उइके हम परगट होइ गइन। ²¹पर इसराएल क बारे मा नबी उइ अस कहति हइ कि हम सारे दिन अपन हाथ एकु आग्या न मानेइ वाली अउर विवादु करइ वालेन परजा कि ओर पसारि रहा।

इसराएलिन अवसेस

11 ई खातिर हम कहित हइ कि परमेसुर अपन परजा क तियागि दिहिसि? कबहू नाई, हमहू तउ इसराएली हन। हम अबराम के बंस अउर बिन्यामीन

के गोत्र मक हउं। ²परमेसुर अपन उइ परजा क तियागिस जेहिका उइ पहिलेन ते जानित। का तुइ नाई जानति के पवित्र सास्त्र एलियाह के कथा मा का कहति हइ। कि उइ इसराएल क विरोधु म परमेसुर ते विनती करति हइ। ³कि हे परभु उइ तोहार नबिन क घात कहिन। अउर तोहर बेदिन क ढाई दिन हई अउर हमइ अकेले बचेन हय। अउर उइ हमार परानन क खोजय वालेन हय। ⁴पर परमेसुर ते उइ कउनउ जबाबु मिला कि हम अपन खातिर सात हजार मनइन क राखि छोडेन हइ। जउन बाल देवता क अगे अपन घुटनन क नाई टेकिन हइ। ⁵तउनु उए ही रीति ते ई समयउ किरपा ते चुने भये केते लोग बाकी हउं। ⁶अगर एहु किरपा ते भवा हइ तउ फिरि करमन ते नाई तौ किरपा फिर किरपा नाई रही।

⁷तउन फलु का भवा? इ कि इसराएल जेहिकी खोजु म हय, उइ उनका नाई मिला। पर चुने हुएन क मिला। अउर एइस लोग कठोर रहे। किए गये हइ। ⁸जइस लिखउ हइ कि परमेसुर उन्हुका आजु केर दिनु तलक भारी नींद मां डारि राखिन हइ। अउर अइसि आंखिन क दिहिन जउन अउर अइसन कान (दिहिन) जउन न सुनई। ⁹दाऊद कहति हय, उइ केर भोजनु उइके खातिर जालु अउर फन्दा अउर दन्दु क कारन होइ जाइ। ¹⁰उइकी आंखिन पे अंधेर छाइ जाइ जेहिते न देखहु, अउर तुइ सदा उइ की पीढ़ी क झुकाए इ राखइ।

साखाएँ खुस नाहीं

¹¹तउन हम कहति हय का उइ एही खातिर ठोकरु खाइन कि गिर परै? कबहू नाहीं पर, उइके गिरै के कारन दूसरे धरम के मानइ वालेन क उद्धार मिला, कि उन्हु का जलनु होय। ¹²तउ अगर उइ का गिरव संसारु कै खातिर धनु अउर उइकी छोरि दूसरन धरमन के खातिर सम्पत्ति क कारन भवा तउ उइकी भरपूरी ते कितने म होई।

¹³हम तुम दुसरे धरमन ते ई बात कहति हय जबइ कि हम दूसर धरमिन केर खातिर परेरित हइं, तउ हम अपन सेवा कि बड़ाई करति हउ। ¹⁴जेहिते हम कउनउ रीति ते हम अपन कुटुम्बिन ते जलनु करवाई के उनहुन मां ते कई एकु क उद्धार कराई। ¹⁵काहे ते जबइ उन्हुका तियाग दीन जाउब संसार कै मिलापु क कारनु भवा तउ का उनहुन का गिरहन की आ जाव मरे हुवन मां ते जउन उठइ के बरोबर न होई? ¹⁶जब भेंटु क पहिल पेड़ा पवित्र भवा तौ पूरा समा (गुंथा

भवा) हुएन आटउ पवित्तर हय अउर जब जड़ पवित्तर ठहरी हय तउ डारिनउ अइसन हय।

¹⁷अउर अगर कइयउ डारी तूड़ि दीन गइ अउर तुइ जंगली जलपाई होइ के उइ मां साटा गवा अउर जलपाई की जड़ केर चिकनाई क भागी भवा हइ। ¹⁸तउ डारन प घमंड न करउ अउर अगर तुइ घमंड करइ तउ इह जानि लेव कि तुम जड़ का नाहीं पर जड़ तोहिका संभारति हय। ¹⁹फिर तुइ कहिहउ डारिन का ई कारन तोरी गई हय छाटा जाई। ²⁰भला उइ तउ अविस्वासु के कारन तोरी गई हय पर तुइ विस्वासु ते बना रहति हई। एहिंते अभिमानी न होउ, पर भय करउ। ²¹काहे ते जवै परमेसुर सुभाविक डारिन क न छोरि।

²²एहिंते परमेसुर कि किरपा अउर कड़ाई पर तोहि पर किरपा अगर तुई उहिमा बना रहइ नाहीं त उइके तुहऊ काटि डारा जाई। ²³अउर वऊ अगर विस्वासु म नाई रहइ तउ छांटे जड़ हई। काहे ते परमेसुर उनहुक फिरि छांटे सकति हइ। ²⁴काहे ते यदि तू जल पाइ ते जउन सुभाव ते जंगली हइ काटा गवा। अउर सुभाव के विरुद्ध नीक जलपाई म छांटा गवा। तउ जउन सुभाविक डारी हई। अपनेइ जलपाई छांटे काहे न जइहइ।

सारे इसराएलिन बच गइन

²⁵ए भइयउ कहूँ ऐसन न होय कि तुइ अपन आप क बुद्धिमान समझउ। ई कारन हम नाई चाहित कि तुइ इह भेद ते अनजानु रहउ कि जबै एक दुसरे धरम वाले पूरी तरह ते परवेसु न करि लेई। तब तलक इसराएल क एक भाग ऐसन कठोर रही। ²⁶अउर इ रीति ते सारा इसराएल उद्धार पाई। जइस लिखिउ हइ कि छुड़ावै वालेन सिय्योन ते आई, अउर अभगत याकूब ते दूरि करि हय। ²⁷अउर उइ के साथइ हमरी इहइ वाचा होई, जबै कि हम उइके पापन क दूरि करि देइव। ²⁸उइ सुभ समाचार क भाव ते तउ तुहार बैरी हय। मुला चुनइ खातिर जाइके आप ते बाप दादा का पियारे हई। ²⁹काहे ते परमेसुर अपन बरदानन ते अउर बुलाहट ते कबउ पाछे नाहीं हटत हई। ³⁰काहे ते जइसइ तुइ पहिलेन परमेसुर केर आग्या नाहीं मानेव पर अबहूँ उइकी आग्या न मानइ ते तोहरे पर दया भई। ³¹वइसइ उनहुन अब आग नाहीं मानेन कि तोहि पर जउन दया होति हइ सहिते उनहुन पै दया होय। ³²काहे ते परमेसुर सबन क आग्या न मानेइ कै कारन बन्द रक्खिसि जेहिंते उइ सबन पर दया करइ।

महिमा गीत

³³आहा, परमेसुर क धन अउर बुद्धि अउर गियान कइस गंभीर हइ। अउर उइ उइके मारग कइस अगम हइ। ³⁴परभु कि बुद्धि क कउन जानिसि के या उइका मंत्री कउन भवा। ³⁵या कउनउ पहिले उइ का कछु दिहिस हइ। ³⁶जेहिका बदला उहिका दीन जाय। काहे ते उइकी ओर ते अउर वहि के जरिए अउर उइ के खातिर सब कछु हइ, उहि की महिमा जुगन—जुगन तक होति रहइ। आमीन।

जीवित बलिदान

12यहिंते भइयउ, हम तोहिंते परमेसुर कि दया याद दिलाई कइ विनती अनुरोध करित हय कि अपन सरीर के जियत अउर पवित्तर, अउर परमेसुर क पसन्द आवइ वाले बलिदानु कइके चढ़ाउ। इहइ तोहार आत्मिक सेवा हय। ²अउर ई संसार के समान नाई बनउ पर तोहरी बुद्धि क नए हो जाइ ते तोहार चाल चलनउ बदलि जाई। जेहिंते तुइ परमेसुर कि भली अउर मन भावती अउर सिद्ध इच्छौ कि अनुभव ते मालूम करति रहउ। ³काहे ते हम इह किरपा के कारन, जउन मोहिका मिलाइ हइ, तोहरे म ते हर एकु ते कहति हय कि जइसन समुझइ क चाही उइ ते बढ़ कइ कउनउ अपने आप का न समझइ पर जइसन परमेसुर हर एकु क फल क मुताबिक बांट दिहिस हय। वइसय सुबुद्धि के साथइ अपन क समुझइ। ⁴काहे ते जइसय हमारि एकु देह म बहुतइ अंग हइ। अउर सकइ अंग एक जइस कामु नाई। ⁵वइसइ हम जउन बहुत हई। मसीह मां एकु देह कइ आपस मां एक दुसरे की अंग हइ। ⁶अउर जबइ उइ किरपा के मुताबिक जउन हमका दीन गवा हइ। हमका अलग—अलग वरदानु मिले हई। तउ जेहिका भविसवानी केर वरदानु मिले हउ ऊ विस्वासु क फल के मुताबिक भविसवानी करइ। ⁷अगर सेवा करइ केर वरदानु मिल गवा होय तउ सेवा मां लगाइ रहइ। अगर कोई सिखावइ। वाल होय तउ सिखावइ मां लाग रहइ। ⁸जउन उपदेसुक होई ऊ उपदेसु दैवइ म लगइ रहइ, दानु देव वालन उदारता ते देय। जउन अगुवाई करे उइ उत्साह ते करइ जउन दया करइ उइ हरस ते दया करै।

परेम

⁹परेम निसकपट होय। बुराई ते घिरना करउ। भलाई म लागेइ रहउ। ¹⁰भाई—चारे क परेम ते एक दुसरे पर दया करति रहेउ। आपसु म आदरू करइ मं एकु

दुसरे ते बढ़ि कइ चलउ।¹¹पर य तउ करै मं आलसु न करउ। आतमा के उन्मादु म भरे रहउ। परभु की सेवा करति रहउ।¹²आसा मां खुसी रहउ। कलेसु मं स्थिर रहउ पराथना मं नित लागु रहेउ।¹³पवित्तर लोगन क जउन कुछ कमी होय वहिमा उइकी उन केर मदति करउ। पहुनाई करइ मा लागि रहउ।

¹⁴अपन सतावइ वालेन क आसीस देउ। असीस दउ सराप न देउ।¹⁵आनन्द करै वालेन केर साथ आनन्द करउ, अउर रोवइ वालेन क साथे रोवउ।¹⁶आपसु मं एकइ सा मन रखउ, अभिमान न होउ, पर दीनन के साथ संगति राखेउ। अपन निगाह मं बुद्धिमान न होउ।

¹⁷बुराई के बदले कउनउ ते बुराई न करेउ। जउन बात ई सबन के निगाह मं भली हय उइकी चिन्ता कीन करउ।¹⁸जहां तलक होय सकइ तू अपन ओर ते सब मनइन के साथ मेलु—मिलापु रखउ।¹⁹ऐ पियरेउ अपन बदला न लिहैव पर किरोधु क मौका देउ। काहे ते लिखउ हय “बदला लेव हमार कामु हइ” “परभु कहत हइ हम ही बदला देइब”।²⁰पर अगर तोहार बैरी भूखा होय तउ उइका खाना खिलाउ। अगर पियासा हइ तउ पानी पिलाउ। काहे ते अइसन करइ ते तू ओहिके मूडे प आग के अंगारन क ढेरु लगाई।²¹बुराई ते न हारेउ, पर भलाई ते बुराई क जीतिन लेउ।

अधिकारन केर समरथन

13 हर एकु मनइ परधान अधिकारी कै अधीन रहइ, काहे ते कउनउ अधिकार ऐसन नाई जउन परमेसुर क ओर ते न होई, अउर जउन अधिकार हइ उइ परमेसुर क ओर ते न होई, अउर जउन अधिकार हइ उइ परमेसुर क जरिये ठहराएइ भई हइ।²एही कारन जउन कउनउ अधिकार का विरोधु करत हय, उइ परमेसुर के विधि का सामना करत हय। अउर सामना करइ वाले दन्द पइहइ।³काहे ते हाकिम नीक काम नाहीं मुला बुरे कामन के खातिर हइ। ऊ का कारनु हय। अगर तुइ हाकिम ते निडर रहब चाहित हय तउ नीकु काम करेउ अउर उहिकी ओर ते तुहरी सराहना होई।⁴काहे ते उइ तोहरी भलाई क खातिर परमेसुर का सेवकु हइ पर अगर तुइ बुराई करी तौ उउर काहे ते उइ तलवार बिरथइ लिये भये नाई, अउर उही परमेसुर का सेवकु हय कि उहिके किरोधु के मुताबिक बुरइ कामु करेइ वालेन का दन्द देउ।⁵इहि ते अधीन रहबु। न केवल

उइ किरोधु ते पर डर ते अवस्य हइ। बलकी बुद्धी यहइ गवाही देति हइ।⁶इहिते करिव देउ। काहे ते उइ परमेसुर क सेवकु हइ। अउर सदा एही काम क लगे रहति हइ।⁷एहि कारन हर एकु क हक चुकावउ करउ। जेहिका करु चाहिय उहिका करु देव। जेहिका महसूल चाही वहिका महसूल देव। जेहिते डेराय चाही उइते डेराव जेहिका आदरु करइ का चाही, ओहिका आदरु करउ।

परम क परमेसुर केर आना निकट है

⁸आपस कै पियरे क छोरि अउर कउनउ बात मं कउनउ क करजदारु न होउ। काहे ते जउन दुसरे ते पियरे राखति हय वहइ बेवस्था पूरी किहिस हय।⁹काहे ते बेभिचारु न करव, हतिया न करव, चोरी न करेव, लालचु न करव, अउर इन्हका छोरि के अउर कउनउ आग्या होउ तउ सबइ का सारांसु ई बात मं पावा जाति हइ कि अपन पड़ोसी ते अपन तना पियरे राखउ।¹⁰परम पड़ोसी की कुछु बुराई नाई करति हइ। एहि पियरे राखव बेवस्था का पूरा करव हइ।

¹¹अउर समय क पहिचानि कइ अइसइ करउ एहिते किएव तोहरे खातिर नीद ते जागिउ उठइ केर घरी आइ पहुँची हय। काहे ते जेहि समय हम विसवासु कियेन रहइ। ओही समय क विचारु ते अब हमार उद्धार नगीचे रहइ।¹²राति बहुत वीति गइ हइ, अउर दिनु निकरइ पर हय यहिते हम अन्धकार के कामनु क छोरि कइ जोति कै हथियार बांधि लेई।¹³जइस दिन क सोहति हइ वइसन हम सीधी चालु चली न कि लीला, क्रीड़ा, पियक्कड़पन न बेभिचारु, न लुचपन, न झगड़न अउर डाह म सहय बिताई।¹⁴बालकी परभु यीसु मसीह क पहिनि लेउ। अउर सरीर क उपायु न करउ।

निरबल म सामरथ

14 जउन विसवासु म निरबल हइ उइका अपन संगति मं लइ लेउ। पर उइ की संकन प बिवादु करइ क खातिर नाहीं।²काहे ते एकु क विसवासु हइ कि सब कुछु खाएक उचित हइ पर जउन विसवासु मं निरबल हइ वह सागु पातइ खाति हइ।³अउर खायेइ वाला न खाए वालेन का तुच्छ न जानै, अउर न खाएइ वालेन प दोसु न लगावइ। काहे ते परमेसुर उइका स्वीकारु किहिस हइ।⁴तुइ कवनु हउ। जउन दूसरे क सेवकु प दोसु लगावति हइ। उइ विसवासु मं घिर रहब या गिरि जाब उइकै स्वामिउ ते सम्बन्धु रखति हय।

बल्कि वह स्थिर होइ कइ दीन जाई।

⁵काहे ते परभु वहिका स्थिर रख सकत हइ। कउनउ तइ एकु दिनु कउ दुसरे ते बढि कइ जानित हय। हर एकु अपनेइ मन का निसचय कइ लेई। ⁶जउन कउनउ क मानिति हइ ऊ परभु कै खातिर मानति हइ। जउन खाति हइ उइ परभु के खातिर खाति हइ। काहे ते उइ परमेसुर क धन्यवाद करति हइ अउर जउन नाई खाति इह ऊ परभु के खातिर नाई खाति। अउर परमेसुर क धन्यवाद करति हइ। ⁷काहे ते हम मां ते न कउनउ अपन खातिर जीवित हइ। अउर न कउनउ अपन खातिर मरति हइ। ⁸काहे ते अगर हम जियति हइ तउ परभु के खातिर अउर मरति हइ तउ परभु के खातिर। यहिते हम जी या मरी हम परभु के हई।

⁹काहे ते मसीह इह कारन मरा, अउर जीउ उठा कि उइ मेरे हुएन अउर जियत लोगन क दोउन क परभु न होय। ¹⁰तू आपन भाई प काहे दोसु लगावति हइ? या तुइ फिर काहे अपन भाइन क तुच्छ जानति हइ? हम सब क परमेसुर क नियायु के सिंहासनु के समुहे खेडे होइबइ। ¹¹काहे ते लिखउ हय कि परभु कहति हइ, हमरे जीवन की सौगन्ध कि हर एकु घटना हमार समुहे टिकी हइ। अउर हर एकु जीभ परमेसुर क स्वीकार करि हइ। ¹²तउनु हमरे मां ते हर एकु मनई परमेसुर क अपन—अपन लेखा देई।

¹³तउनु हम आगे क एकु दुसरे प दोसु न लगाई। पर तुई ठानि लेइ कि कउनउ अपन भाई के समुहे ठेसु या ठोकर खाइ क कारनु न राखइ। ¹⁴हम जानित हइ अउर परभु यीसु ते हमार निसचय भवा हइ कि कउनउ सामान अपन आप ते असुद्ध नाई पर जउनु वहिका असुद्ध समझति हइ वहिके असुद्ध हइ। ¹⁵यदि तोर भाई तोहरे भोजन के कारनु उदासु होत हय तउ फिर तुइ पिरेम की रीति ते नाई चलति, जेहिके खातिर मसीह करो रहेइ। वहिका तू अपन भोजन के जरिये नासु न करउ। ¹⁶अब तोहरी भलाई की निन्दा न होई पावइ। ¹⁷काहे ते परमेसुर के राज मां खाब—पियब नाई, पर धरम अउर मिलपु अउर आनन्द हय। ¹⁸जउन पबित्तर आतमा ते होति हय, अउर जउन कउनउ इहि रीति ते मसीह की सेवा करति हइ, उइ परमेसुर क भवत हई अउर मनइन म गरहन करै जोग ठहरति हय।

¹⁹ई कारन हम उन बातन क जतन करि जिन्हते मेलि—मिलाप अउर एकु दुसरेन क सुधार होय। ²⁰भोजनु कै खातिर परमेसुर क काम न बिगाड़उ सबै कछु सुद्ध तउ हइ। पर उइ मनई क खातिर बुराई हइ।

जेहिका वहिके भोजन करइ ते ठेस लागति हइ। ²¹भला तउ ई हइ कि तुइ न मासु खाय अउर न दाखु क रस पीवइ अउरु न कछु एस करइ जेहिते तोहरे भाई ठोकरु खावइ।

²²तोहरा जउन विसवासु होय उइका परमेसुर के समुहे अपनइ मन मांही राखेउ, धन्य हइ उइ, जउन उइ बात मां जेहिका ऊ ठीक समझति हइ, अपन आप के दोसी नाई ठहरावति। ²³पर जउन सन्देहु करि कइ खात हइ उइ दन्द के जोग ठहरि चुका हइ। काहे ते उइ निसचय यकि धारना ते नाई खाति हइ। अउर जउनु कछु विसवासु ते नाई वहु पाप हइ।

15 निदानु हम बलवानन क चाही, कि हम निरबलन केर निरबलता क सही न कि अपन आप क परसन करी। ²हम मा ते हर एकु अपन पड़ोसी क उइ की भलाई के खातिर सुधारइ के निमित्त परसन्न करे। ³काहे ते मसीह आपन आप को परसन्न नाहीं किहिन। पर जइसन लिख हय, कि तोहरे निन्दनकन केर निन्दा हम पै आइ परी। ⁴जेतनी बातन पहिलेइ ते लिखी गइ हय, उइ (सब) हमारिइ सिच्छा के खातिर लिखी गई हइ कि हम धीरजु अउर पबित्तर सास्त्र की सान्ती के जरिए आस राखी।

⁵अउर धीरजु व सान्ती क दाता परमेसुर तुहिका ऊ वरदानु देहैं कि यीसु मसीह के मुताबिक आपसु मा एक मन रहउ। ⁶ताकि तुम एक मन अउर एकु मुह होई के, हमार परभु यीसु मसीह के बाप परमेसुर कि बड़ाई करउ।

⁷एही खातिर जइसइ मसीहउ परमेसुर करि महिमा कै खातिर तुइका स्वीकारु किहिन हइ। वइसन तुहौ एक दुसरे क गरहन करउ। ⁸हम कहित हइ जउन परतिग्या बाप दादन क दीन गई रहे उनहुक दिरिइ करइ के खातिर मसीह परमेसुर केर सच्चाई क परमानु देवइ क खातिर खतना किए हुए लोगन क सेवकु बनाउ। ⁹अउर दूसर धरम मानइ वालेन दया के कारन परमेसुर कि बड़ाई करइ जइसन लिख हइ कि यहिते हम धरम—धरमु में तोहार धन्यवादु करिबै अउर तोहारे नाम क भजन गाइबैं। ¹⁰फिर कहउ हइ ऐ धरमु के सबै लोगन उइ की पूजा के साथ आनन्द करउ। ¹¹अउर फिर एक जाति—जाति केर सब लोग परभु की स्तुति करउ। अउर ऐ राज—राज कै सबै लोगउ सबै उइका सराहउ। ¹²अउर फिर यसायाह कहित हय कि एक जड़ परगट होई। अउर दूसर धनिन क हाकिम होवइ के खातिर एकु जन उठि हई, उइ पर दूसर धरम मानेव वालेन आस रखिहई।

¹³यहिले परमेसुर जउन आस क दाता हइ तोहिका विसवासु करइ मां सबै परकार के अनन्द अउर सान्ती ते भरा पूरा परिपूरन करइ कि पवित्तर आतमा की सामरथ ते तोहार आसा बढ़ति जाय।

अन्य जातिन म परेरितन

¹⁴ऐ हमार भइयउ, हम आपइ तोहरे बारे मां निहिचय जानित हय कि तुहौ आपहि भलाई ते भरपूर होउ अउर ईस्वरीय ग्यान ते परिपूरन होइके अउर एकु दुसरे क चिताइ सकति हउ। ¹⁵हम कहूँ—कहूँ याद दिलावइ के खातिर तबई जउन बहुत हियस करि कइ लिखिस यहु उइ किरा क कारन भवा जउन परमेसुर मोहिका दिहिस हइ। ¹⁶कि हम दूसर धरम वालेन क खातिर मसीह यीसु क सेवकु होइ के परमेसुर क सु समाचार कि सेवा के पुरोहित (याजक) कि नाई करी। जेहिते दूसर धरम वालेन क मानउ चढ़ायइ जाव पवित्तर आतमा ते पवित्तर कइ गिरहन किना जावइ।

¹⁷उइ बातन के बारे मां जउन परमेसुर ते सम्बन्ध राखति हइ। हम यीसु मसीह मां बड़ाई करि सकति हइ। ¹⁸काहे ते उइ बातन का छाँड़ि कै हमका अउर कउनउ बातन क बारे मां कइह क हियाबु नाई, जउन दुसर धरम वालेन कि अधीनता के खातिर वचनु अउर करम। ¹⁹अउर चिन्हन अउर अद्भुत कामन कि सामरथ ते अउर पवित्तर आतमा कि सामरथ ते हमरेइ जरिये, इहां तक कि हम यरुसलेम ते लइ कइ चारिउ ओर इल्लुरिकुम तलक मसीह क सुभ सनेस क पूरा—पूरा परचार कएिन। ²⁰हमार मन कि उमंग ई हइ कि जहां—जहां मसीह कर नाइ नाई लीन गवा, उहई सुभ सनेस सुनाई। अइसन होय कि दूसरे कि नीव पर घर बनाई। ²¹पर जइस लिखउ हय, वइसइ होय, कि जिन्हका वहिका सुभ समाचार नाहीं पहुँचा उइ देखिहई, अउर जउन नाई सुनिन उइ समझिहई। ²²यहिते हम तोहरे पास आवइ ते बार—बार रुकेइ रहेइ।

पौलुस केर रोम जातरा

²³पर हमका इन देसन मा अउर जगह नाई रही। अउर बहुत बरसन ते हमार तोहरे पास आवै कि लालसा हइ। ²⁴इहिते जबै इसपोनिया क जाइब तउ तोहार पासइ आइ जइहउं काहे ते मोहिका आस हइ कि उइ तुइ से भेंट करउ, जबै हम तोहरी संगति ते हमार जउन मन कछु भरि जाय तउ तुम हमका कछु दूरी आगे पहुँचाइ दिहेउ। ²⁵पर अबही तउ पवित्तर लोगन कि सेवा करइ क

खातिर यरुसलेम क जाइति हइ। ²⁶काहे के मकिदुनिया अउर आखयाा के लोगन क यहु अच्छउ लागि कै यरुसलेम कै पवित्तर लोगन क कंगालन के खातिर कछु चन्दा करिन।

²⁷उनका अच्छा तउ लागै पर उइ उइके करजदारउ हम हइ। काहे ते अगर दूसर धरम वालेन उइकी आतमिक बातन म भागीदार भये तउ उनहुक उचित हइ कि सांसारिक बातन मां उइकी सेवा करीं। ²⁸तउनु हम ई कामु पूरा करि कइ उइ क इउ चन्दा सौंपि कइ तोहार पास होत भये इसपानियां क देस जाइव। ²⁹अउर हम जानित हइ कि जबै हम तोहार पास मां आइबइ तउ मसीह की पूरी आसीस के साथ आइबै।

³⁰अउर हे भइयउ हम यीसु मसीह क जउन हमार परभु हइ अउर पवित्तर आतमा क पिरेम क समरन दिलाइ कइ तुइ ते अनुरोधु करति हई कि हमरे खातिर परमेसुर ते विनती करइ म हमार साथइ मिलि कइ लवलीन रहउ। ³¹कि हम यहूदियन के अविस्वासिन ते बचइ रही। अउर हमार उइ सेवा जउन यरुसलेम के खातिर हइ पवित्तर लोगन क भवइ। ³²अउर हम परमेसुर कि इच्छा ते तोहरे पास अनन्द के साथ आइके विराम पाई। ³³सान्ती क परमेसुर तुइ सबन के साथ रहइ। आमीन।

धन्यवादु

16हम तोहिते फौबे के खातिर जउन, हमार बहिन अउर किखिया की कलीसिया कि सेविका हय, विनती करति हउ कि तुइ जइस कि पवित्तर लोगन क चाही उइका क परभु गरहन करउ। ²अउर जउन मउनउ बातन मं उइ तुइते मतलब होई उइकी मदति करउ काहि ते वहउ बहुतेन कि बलकी हमारिउ भी उपकारिन हुइ हइ। ³प्रिसिका अउर अक्विला जउन यीसु मं हमरे सहकरमी हइ, नमस्कार। ⁴उइ हमार परानन के खातिर अपनइ सिर कइ राखिस हइ। अउर केवल हमई नाई बल्कि दुसरी जातिन के सारी कलीसिया उइ का धन्यवाद करति हई। ⁵अउर उइ कलीसियउ क नकस्कार जउन उइ के घर मा हय। हमार पियार इपेनिनुस क जउन मसीह क खातिर आसिया केर पवित्तर फल हइ, नमस्कार। ⁶मरियम के जेहि तोहरे खातिर बहुत परिसरम कीन, नमस्कार। ⁷अन्दुरुनी कुस अउर यूनियास क जउन हमार कुटुम्बी हय, अउर हमरे साथ कैद भये रहइ। अउर परेरितन म नामी हई, अउर हम ते पहिले मसीह म भए रहउ। नमस्कार। ⁸अम्पतियातुस तुमकौ जउन परभु मं हमार

पियार हय, नमस्कार।⁹उखानुस क जउन मसीह म हमार सह करमी हय, अउर हमार पियार इस्तुखुस क नमस्कार।¹⁰अपिल्लेस क जउन मसीह म खरा निकरा, नमस्कार अरिस्तुबुलुस क घराने क नमस्कार।¹¹हमर कुटुम्बी हेरोदियोन का नमस्कार। नकिस्तुस क घराने क जउन लोग परभु मां हय, उनहनु क नमस्कार।¹²त्रैफूना अउर त्रिफोसा क जउन परभु म परिसरम करति हय। नमस्कार। पियारि परमिस क जेहि क परभु म बहुत परिसरम किहिस नमस्कार।¹³रुफुस जउन परभु क चुना भवा हय, अउर वहिकी माहतारी जउन, हमरउ मां हइ दूनउ का नमस्कार।¹⁴असुक्रितुस अउर फिलमौन अउर हिमिस अउर पत्रुवस अउर हिमास अउर उइ के साथे क भाइन क नमस्कार।¹⁵फिल्लुगुस, अउर यूलिया, अउर नेयुस अउर उइ की बहिन अउर उलुभ्यास अउर उइ क साथ के सबै पवित्तर लोगन क नमस्कार।¹⁶आपसइ म रहा पवित्तररु चुम्बनु ते नमस्कार करउ, तुइका मसीह की सरी कलीसियन कि ओर ते नमस्कार।¹⁷अब इ भाइयउ, हम तुइ ते विनती करति हय कि जउन लोगउ ई सिच्छा क विपरीत जउन तुइ पाइसि हइ। फूट पड़ेइ अउर टोकरु खाइ क कारन होत हइ उइका तांड़ि लीन करेउ, अउर उइते दूरि उहउ।¹⁸काहे ते अइसे लोग हमार परभु यीसु मसीह क नाहीं पर अपन पेट कि सेवा करति हई। अउर चिकनी चुपड़ी बातन ते सीधे सादे लोगन के बहकाइ देति हई।¹⁹तोहार

आग्या मानइ कि परचार सब लोगन मां फैलि गई हय। यहिते लीन्हें हम तोहारे बारे मां आनन्द करति हउं। पर हम यहु चाहति हय कि तुइ भलाई के खातिर बुद्धिमानु पर, बुलाई के खातिर भोले बने रहउ।

²⁰सान्ती परमेसुर सैतान क तोहारे पैरन ते जल्दी कुचलवाइ देई। हमार परभु यीसु मसीह क किरपा तुइ पै रहइ।

²¹तीमुथियुस हमार सहकरमी अउर लुकियुस अउर यासीन अउर सोसिपत्रुस का तोहका हमार कुटुम्बिन के तुइका नमस्कार।

²²हम पतरी लिखइ वाले तिरतियुस का परभु मां तुम का नमस्कार।

²³गयुस क जउन हमार अउर कलीसिया क पहुनाई करइ वालन हइ, उइका तोहिका नमस्कार।²⁴इसस्तुस जउनु नगर क भन्डारी हय अउर भाई कवारतुस क तुइका नमस्कार।

²⁵अब जउन तोहिका हमार सुभ समाचार यानी यीसु मसीह के बारे मा परचार क मुताबिक स्थिर करि सकत हय, उइ भेद कै करकास के मुताबिक जउन सनातन ते छिपइ रहा है।²⁶पर अब परगट होइके सनातन परमेसुर की आग्या ते नबियन की किताबन के जरिए सब जातिन क बतावइ गवा हइ कि उइ विसवासु ते आग्या मानइ वालेन होय जाय।

²⁷उही अद्वैत बुद्धिमान परमेसुर के यीसु मसीह के जरिए जुगन—जुगन तक महिमा होति रहइ। आमीन।